

Число 3.

Ужгород, 1-го фебруара 1924.

Рочник IV.

БУДОВЛІСТІШІК

Богданчук.

Да бсі
єдино
б'єдуть

Ів. 31, кн.



ДУХОВНА ГАЗЕТА ДЛЯ ПОДК РУСИНОВ

Заложуйте свои вкладки до Централъ або філіялік
ПОДКАРПАТСКОГО БАНКА.

СТАН ВКЛАДОК ПОВЫШЕ: КЧ. 10.000,000.

В всяких фінансових и господарских дѣлах доставить Вам скору, точну и бесплатну пораду

ПОДКАРПАТСКІЙ БАНК В УЖГОРОДЪ.

Своими заощадненными гелерами при доброму опроцентованю капитала подпираите свой народный.

ПОДКАРПАТСКІЙ БАНК В УЖГОРОДЪ.

Истинно народна, руська и славянска інституція есть

ПОДКАРПАТСКІЙ БАНК В УЖГОРОДЪ.

Свой до свого!

Пересылки долларов до Америки з дозволом
Банковного Уряду выконує

ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав
Европы и Америки выконує найвыгоднѣйше

ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000,
500, 5.—) переводить

ПОДКАРПАТСКІЙ БАНК В УЖГОРОДЪ

в Банковном Урядѣ Министерства Фінансов.

Америцькѣ десеквестрації, исекураціи и компензациіи за померших в Америцѣ переводить

ПОДКАРПАТСКІЙ БАНК В УЖГОРОДЪ.

За вкладки (льокації) платить

ПОДКАРПАТСКІЙ БАНК

:- :- 5%—6%. :- :-

Путешественна канцеларія продажа желѣзнодорожных карточок на цѣлу територію
Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ

Число 3.

Ужгород, 1. фебруара 1924.

Рочник IV.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ двараз въ мѣсяцъ
каждого 1-го и 15-го.

АДРЕС:
Редакції: Kapitulska ulica 3.
Адміністрації:
Uzhgorod, Duchnovicova 6. 12.

ПРЕДІЛАТА:
на рок 12.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 сторону .. 120 К
за 1/4 сторону .. 65 К

Подъ прапоръ Благовѣстника!

На праздникъ Трехъ Святителей въ всѣхъ русскихъ церквахъ Подкарпатской Руси о важности христіанскихъ книгъ и газетъ будуть проповѣдь держати душпастиры. Се есть разпоряженіе Его Преосвященства, кто противъ нападеній шизматиковъ-большевиковъ и на полѣ новинарства укрѣпляти хоче бойовый фронтъ.

Симъ исповнилося давное желаніе Благовѣстника. Мы отъ першої минуты нашої дѣятельности, отъ самого початку, все то голосили, все то трубили, что противъ шизматикоў агитациі найлѣпшимъ оружіемъ есть просвѣтъ, противъ темноты — свѣтло Христовоѣ вѣры, противъ ложи и брехни поставить оружіе и щитъ Христовоѣ правды. Передъ кождымъ, кто або пассивну або активну участь бере въ нынѣшной религійной борбѣ отъ соція яснѣйше есть, что фотяне ихъ великій „успѣхъ“ головно съ выдуманными брехнями и клеветами достигли. Кто бы не зналъ якъ страшили нашихъ людей съ тымъ, что кто ся не перепише на ихъ „славну“ вѣру, роковину має платити, або огромнѣ штрафы, что зновъ заведутъ новый календарь, органы, зроблять нась папышами и т. д. А дурный, непросвѣщений народъ слѣпо вѣровавъ симъ глупымъ казкамъ и хитрымъ обманамъ.

Засвѣти на ихъ чорну роботу, розогнати темну хмару клеветь есть повинностю христіянскихъ газетъ и новинокъ. Благовѣстникъ уже третій рок продовжает сю воздухочищающую работу и изъ многихъ мѣсть доносять намъ, что тамъ где люде Благовѣстникъ читають, тамъ брехня и клеветы шизматиковъ безсильнѣ суть и не походить съмѧ фотіянскоѣ ереси.

Окремъ того Благовѣстникъ духомъ смѣлости, духомъ вытревалости наповняе сердце тыхъ правовѣрныхъ христіянъ, котрѣ подъ гнетомъ шизматицкимъ стогнуть. Изъ Благовѣстника довѣдаются сесѣ честнѣ вѣрники, что они не суть самотнѣ, не суть опущенѣ, что въ всѣхъ краинахъ въ огромномъ большинствѣ живутъ греко и римо каѳолики, и что въ многихъ державахъ добылася Христова Церковь до великого значенія и славноѣ побѣды надъ еретиками и безбожниками.

На праздникъ Трехъ Святителей въ всѣхъ церквахъ вручати будуть душпаstryрѣ вѣрникамъ своимъ нашу газету; се есть выразна воля Его Преосвященства. Най кождый другъ Благовѣстника змагається намовляти своихъ знакомыхъ — котрѣ люблять и честують свою вѣру, — пойти по службѣ на фару и зголоситися на предплачованя. Кождый геллеръ намъ дорогій и кождый геллеръ есть жертвою для обороны вѣры отцевскої !

Тверда наша надѣя, что такъ душпаstryрѣ, якъ нашъ честный руській народъ порозумѣе голосъ часовъ и изъ кождого села найменше десятеро стануть подъ розвинутый прaporъ Благовѣстника боротися сильно за вѣру, за Церковь и за царство Христово. (б)

Цѣлый рочник 1923. Благовѣстника в переплетѣ за 25
Кч. можно достати в редакціи Благовѣстника !

Еще маеме дасколько примѣрников из книжочки М. Гелебана: „Где глядати правду?“ Кождый вѣрный гр. каѳ. прав. русин має прочитати сею цѣнну книжочку.
Цѣна 1 Кч.



Наука о вѣрѣ.

§. 3. Св. Преданіе.

Св. Преданіе есть тата часть Божого обявленія, котроѣ апостолы иагъ усть самога Іисуса Христа научилися, по натхновенію св. Духа проповѣдали, но не списали в св. книгахъ. От св. Писанія лишь въ томъ рожнится, что туй св. мужи натхновеніе получили лишь на проповѣданіе и не на писаніе. Оно находится списаное въ сочиненіяхъ св. отцовъ и писательовъ первих хр. столѣтій, въ символахъ церковныхъ, въ богослужебныхъ книгахъ, въ опредѣленіяхъ вселенскихъ соборовъ и въ стародавныхъ христіанскихъ звычаяхъ и памяткахъ.

Что окремъ св. Писанія истнue и св. Преданіе, якъ источники вѣры то явное изъ слѣдующихъ:

а) Христосъ приказавъ апостоламъ проповѣдати, а не писати. Если бы бывъ онъ хотѣвъ, чтобы св. Писаніе было одинокимъ источникомъ вѣры, тогда бы бывъ онъ самъ писавъ, або апостоламъ приказавъ бы бывъ, чтобы списали все, что онъ учивъ и чтобы передали сіе писаніе вѣрникамъ для получения. Но такого приказа въ цѣломъ св. Писанію не е: приказъ Христовъ звучить: „*Педше оубо на 8 чинте всі мазыки... Слышалій касъ мене слушаетъ и отмѣтажися касъ мене отмѣтажася*“ (Мо. 28, 19, Лук. 16, 16).

б) Изъ проповѣданій Апостоловъ лишь одна часть находится въ св. книгахъ. Всѣ науки, всѣ бесѣды, всѣ поученія и дѣла Іисуса Христа, что онъ черезъ три роки здѣлавъ и говоривъ, не могли бы мѣститися въ дасколькихъ заглавіяхъ Евангелій. Св. евангелія содержаютъ въ себѣ лишь начерки, короткѣ содерjanія бесѣдъ и поученій Спасителя. Одна знаменита часть науки Христової находится виѣ св. Писаній, якъ то признае и св. евангелистъ Іоаннъ: „*Суть же и ина многа, паже соткори Іисвсъ, паже аще бы по единномъ писана быша, ни самомъ мною ксемъ міръ вмѣстити пишемыхъ книгъ*“ (Іо. 21, 25).

в) Что было источникомъ вѣры, коли еще св. книги не было? Звѣсна рѣчь, что св. книги не повстали заразъ по смерти Іисуса Христа (евангеліе Маѳея г. 42, Іоанна же о. г. 100). До того часу христіане не могли мати іншого источника вѣры, якъ живое слово апостоловъ т. е. св. Преданіе. До того, якъ уже были св. книги, за довгій часъ тревало, доки оно въ тыхъ тяжкихъ часахъ розширилося такъ, что всѣ вѣрники могли читати и изъ нихъ вѣру свою спознати. Якъ бы могла также для нихъ сама Біблія быти источникомъ вѣры? Св. Писаніе еще не было, коли уже тысячи и тысячи на рожныхъ сторонахъ свѣта исповѣдовали хр. вѣру, что черпали изъ св. Преданія. Если бы св. Писаніе было одинокимъ жереломъ вѣры, тогды кождый мавъ бы научитися читати, чтобы мочь сформовати свою религію изъ св. Писанія.

г) Суть такъ очевиднѣ истини христіанскої религії, котрѣ не находяться въ св. книгахъ и мимо того были и суть предметами всѣхъ христіанскихъ вѣковъ: якъ на прим. святкованя недѣлі мѣсто суботы, важность крещення еретиковъ, крещеніе отроковъ, 7-ичное число св. тайнъ и т. д. Се христіане не могли инде, якъ изъ св. преданія черпати.

Зато св. Павель выразно вызыває увагу вѣрниковъ на св. Преданіе словами: „Братіє стойте и держите преданія, иже научисте сѧ словомъ или посланіемъ нашимъ“ (2 Тесс. 2, 14).

Свята мати Церковь, всегда ровноправнымъ жереломъ вѣры держала св. Преданіе. Где нужно было опредѣлiti противъ еретиковъ декотрый членъ вѣроисповѣданія, одзывалася не только на св. Писаніе, но ровно и на св. Преданіе. Бо лишь они обое содержаютъ въ собѣ цѣлость Божого откровенія. Противное ученіе протестантовъ, котрѣ твердили: „Само св. Писаніе есть жереломъ вѣры“, откинено и осуждено на Тридентійскомъ соборѣ. (1545).

Из шизматицкого раю.

Колотня около одного батюшки.

Еще ~~1921-го~~ рока случило ся, что на розказ сельского боятєра Кениза Копашанскѣ шизматики с помочію Селискихъ, Нанковскихъ и Чумальовскихъ шизматиковъ осмѣлилися насильствіемъ с кам'яньомъ и пистолями пересвятити нашу гр. кафт. церковь на большу славу Божу, ѹбы до неї было свободно занести и побойниць зброї, кам'яня, кулї, желѣзнѣ вилы, сокири и т. д. и ѹбы въ ней мѣж и сплячи Богу служити, (як то робили марга 1923-го года за два тыхдни, коли въ церкви ночували) даже и забоженїї были, ѹто гр. кафт. священника и жандаров убить въ ней на смерть, ажъ бы были од нихъ знову пересвѧщовали.

Гр. кафтолики рушили против пана божтера репозиційное право и окр. суд в Хустѣ (под ч. С. 524. 22) присудив в имени республики зараз навернути церков гр. кафтоликам и заплатити близько 4000 Кч. коштов., на что позволив и екsecуцію, что и перевелося а церков с помочію 40 жандаров 12-го января 1923. гр. кафт. перебрали и пересвятили.

За першій розбой законов пан божтер Кениз и его товариши в Хустѣ на судовой столици засудженѣ были на 3 мѣсяци вязници но державный прокуратор подав апелляцію бо мали в кару.

Марта 1923. пан божтер Кениз уже як батюшка выдав розпоряженіе розломити гр. кафт. церков и пересвятиив, за что быв знов завданый до суду.

Айбо того не доста. Кениз збурив вѣрников своих (и не Христовых) и против жандаров; а то на судовой столици в Хустѣ под ч. Вр. III. (329. 23) 402. 23. знов засуженый на 1 мѣсяц головноѣ и 200 Кч. грошевоѣ кары.

Нарадив еще п. божтер Кениз як ученик Христов и Всїй слуга свои дѣвки и жоны (бо все каже, что тым права не є) обы ишли до церкви пр. гр. кафт. на літургію и обы там соблазнъ робили, обы гр. кафт. не могли богослуженіе кончити. Так и чинили, повиновалися приказу слуги Божого и пришли в церков при св. літургіи в недѣлю и всякъ смѣхи робили. Салутеровали ся одинъ другим, усмѣвалися, хахонѣли, гучали, на голос говорили як на торговици, орѣхи кусали, котръ лиш на то их купили и луцинов метали у гр. кафтолички. Пять их посѣдало една другой на колѣна и гойдалися из клоча шпарги крутили и гр. кафт. дѣвкам метали на шею, дорослѣ дѣвки и жены в церкви свистали; списати вѣсъ не мож что еще робили. Коли читав священник св. евангеліе такое кашляня зняли, что слова не мож было розумѣти так что я не мог стерпѣти ся и из крилося помахав рукою перстом у зад и голосно закричав: не докорите ся з Богом!

Коли мы спѣвали Святый Боже, Иже херувими або иные, а они все на противо.

Знаеме мы добре, что таких и сам Іисус с корбачом выганяв вон из дома Отца своего, но знали мы и то, что они то нароком зато роблять, обы мы их начали выганяти а их люде напаровалися с зброями в церкви на битку с нами. Мы ишли до Божого дому Богу послужити и у них нашлисъ діяволску волю.

Як, сме вийшли вон, я сказав: Люде, вас Кениз так нарадить и научить, что вас еще и 33 роки буде по темницях и ему нич не буде.

За соблазнъ в церкви завдано было 25 особ до окр.

суду в Хустѣ и под ч. У. 339. 21 по на 10 дній сидѣти и 60 Кч грошевоѣ кары и кошты платити. За се Кениз смѣв менѣ сказать перед публикою як Христов ученик, что я нигда Боже лице не увижу, что м' дав невинных дѣвок и жон покарати. Додав еще и то, что обсужденѣ однако сидѣти не будуть, бо он то поправить.

Кажу ему тогды: Ци ты проповѣдник еси Христовоѣ науки? Каже: айно! Та ты учиш грѣшника не карати ай заступати? Каже: Та бо они не были грѣшники! Кажу: та в Божом домѣ при Богослуженїю соблазнь робити не грѣх? Каже: то было Болвану а не Богуслуженіє и ото не быв Божій дом лиш простый дом, доки мною не пересвятився. А в своем домѣ каждому свободно и свистати и хоть что робити. Тот разговор быв перед самою церковію, коли сходилися они на вечерню. Кажу: А менѣ тепер ци свободно зйти и так робити як вы будете отправляти вечерню? Каже: ану пробуй! Я тя самый увержу, як таке будеш робити в Божом домѣ. Мене на куртый час запаморочило, малом' не упав и никого не видѣв перед собою дармо их было округ мене доста. Не из ярости серда, ай из дивованія, як може чоловѣк на только осмѣлитися и из Бога таке збытия робити и из его науки. Уже кто безвѣрець та не вѣруе айбо и збытия не робить из Бога. Кажу: но Юро, до теперь я тя держав за чоловѣка и за священника одної еретицкоѣ вѣры, айбо еще все мав надѣю на твое наверненіе аж хощь при смерти. А теперь вижу, что ты такій чистый антихристов предтеча и его пути приготвляеш.

Он и его други скричали: Ты! Ты гониш вѣру Христову и не даеш покой людьом! Як я гоню? Не я чинив нову вѣру, обым у ней годен быти паном и священником; не хочу быти священником, бо в правдивой вѣрѣ Христовой и не мож без науки; тадь сам Іисус як Бог за три годы учив апостолов а вам и три тыжнѣ не треба! Я ничію вѣру не гоню, я лиш свою родиму стару и истинну Христову вѣру обороняю и на ото и повинность маю як ем еѣ упопознав! Быв и я отрекшим ся Христа сыном, но теперь ем покаявшій ся Петро, быв и я Саул и тепер емъ Павел и теперь хвалю Господа Бога, что из ласки своеї задѣлив ми на земли службу св. Михаила архистратига боротися за свою святость и истину против діяволских дѣл.

Тогды каже Сливка Иван: тадь кобы быв тот ваш бован, что вам службу служив не укрутив ся и не втѣк, я бы быв го сам на смерть убив. Кажу Кенизови: Но туй маеш свидѣтельство чій путь приготовляете! На то я зобрался и пошов, видѣвше, что уже дале не ез ким говорити. Кениз закликав за мною: Иди, иди, та пиши в новинки, бо знаю что будеш писати. Кажу: и грѣх бы' мав аж бы' се не подав.

Из початку радовався п. бояхтер Юра, коли видѣв что

Рок 1924.

„БЛАГОВѢСТНИК“

Сторона 39.

свое имя в „Благовѣстнику“. Казав что я єго тым прославляю; а теперь уже чтось насытився тої файноЕ славы и уже больше раз страхав в проповѣди, что буде мене прогнанти. И в послѣдной проповѣди казав, что не може быти другій в царствѣ, лиш тот, кто ся бохтерови высловѣдать и каже, всѣ другѣ католики еретики копачанскѣ можуть спасенї бити, айбо Гелебан нигда нѣт, бо пише в Благовѣстник. Язык бы му одгнин, червакы бы му из рота капали, проклять и тоты буквы и та друкарня, что го друкуе.

Доказалося, что сесь неоцѣненный „Благовѣстник“ таку силу має на шизму, як крест на діявола, бо и Венямин десь казав что гонить шизматицку вѣру; не правда и едну не гонить, правдиву Христову nauку и вѣру обороняе а другим лиш брехати не дае.

Гнѣваються и за слово шизматик; та ото не е такое паскудное слово, то лиш только значить, як отступники правдивой вѣры Христовой.

Копачанскѣ шизматики еще не знаютъ, ож знову утратили новое репозиціалное право за другѣ церковнѣ маєтки под ч. С. 324, 23 хустского окр. суду и близько 40.000 Кч. ними причиненої шкоды и правнѣ кошты, но Кениз знае и ото, что вѣсно кысне и зато змагаєся гр. кафт.-ов ид собѣ прилюбити всякими способами, но задарь.

И теперь не давно прислав греко-кафтоликам, котрѣ не ходять на бохтерску „службу“ до церкви ось такое приглашеніе:

„Дорогій в Христѣ брате Н. Н. прошу Вас прійтъ на фару в четверть 4. и 17. января 1924. — Православный священник Георгій Кенез.

Боже як не ганьбить ся бохтер себе священником называть и добрых ревных греко-католиков своими братями.

Михаил Гелебан.

— Як розширяють отступники Фотіянску вѣру? Яка злоба, яка діяволска ненависть наповняє сердце шизмою обдуреных людей, тому явным доказом служить слѣдуюче письмо, что достав без подписа имстичовскій гр. кафт. о. Стефан Головач:

Высокоповажаный пане превелебный
Стефан Головач!

Кланяю ся Вам: Слава Іисусу Христу. Та пане превелебный дуже менѣ жаль, что я такое не доброе чув в себѣ и хочу вам доброе, за ото напишу вам, что'м чув. Теперь ладять ся на вас напасти нещастнѣ непріятелѣ десь на пути, та годнѣ вас там и убити та сокотрѣть ся, бо чекать вас смерть або у день, або у ночи десь на пути, або на полѣ. Бо не будуть напа-

дати многъ с балтами, або с колом, ай досягне Вас и на пятьсто кроков. И не буде никати ож вы не сам, ай най буде вас хоть колько а Вы пропалисте. Сокотѣть ся и никде не уходѣть бо пропалистѣ на охтема. Бѣ уже рушив ся старый Луцифер и будуть вам спѣвати „вѣчная память“. Но Tisza Pista не такій витязь быв, а однак скончив ся; та вы кѣль мене не послухаете, та зроблять вам комашню. Сокотѣться и в своїй власной хижѣ и от филії (Лукова) бо погинете. Рок уже доходить, та памятай собѣ что робиш а не так ги камень пане Головачу; порахуй ся добре что робиш, бо пан Луцифер, твой камерад разпяв на тя писок, та удавить ся тобою. Vigyázz!

Се не мог написати другій лиш діяволска злоба, пріятель и наемник Луцифера. Дух нынѣшних шизматиков почути из кожного рядка сего „посланія“. Можуть себѣ шизматики выклости в окно, чтобы каждый убѣдився якими средствами они знают свою „тверду“ вѣру розширяті. И еще они кажуть, что ся вѣра их истина отцевска. Та каждый честный русин протестує, чтобы его вѣрою была сеся, котра такими средствами воює.

Дѣло завдано до жандармеріи. Есть надѣя на то, что найдеся „камерад Луцифера“ и покладуть го на холодное мѣсто мало розмыщляти над своим злочином. А як вы свободите, буде из него „православный отец“ бо он за „вѣру“ терпѣв.


„Клерики“ шхизматицѣ находяться при войску в Мукачовѣ. Оден, им. Николай Олаг уже діякон та „прекрасно“ знає лаяти. Другій Юра Парканцій дуже „учоний“, все лиш „па русски Гаварѣть“ но коли хлоцѣ принесли му оден лист русскій прочитати, не быв годен. Казав: „Я сесе не знаю прочитати бо чисто по русски писано!“ Но гр. кафт. богослов прочитав. (От! Та еще кажуть, что уніятскѣ клерики мадяроны!?) — К.

Не токмися! Мелник-батюх им. Василь Несух довго не мог порозумѣти, что где его ся не меле, там свой мѣх най не подставляє. Все пхався в Нересница до гр. кафт. цвянутаря супротив закона и жандармского напоминанія. Коли раз прийтров до Тернова, обы и тут учинив „скушку“ — греко-католики стали у ворота цвянутаря, та не запустили там анѣ Несуха, анѣ его коллегу Демянчука. Самѣ шизматики спокойно погребли своего мертвого, а батюшки утекли. От того часу пак не пхають ся у гр. кафт. цвянутарь, но лиш у свой цвянутарь ходять ва горѣ „Грушка“. — К.

На передѣ „православный“ плебан, а за ним множество клебань. В днях погрѣбав в Волоськом „православный“ волосяный плебан одного вѣроломника. За ним тягли волы на санях тѣло, а за тѣлом ишла шизматицка гарда,

кажды на головѣ з клебаньюо. Дуже удивительный вид! На впередѣ правосл. плебан, а за ним громада клебань различных фарб: зеленѣ, чорнѣ, сивѣ, говпакы и т. д. Новый кривославный звычай, что уже в клебанѣ издадуть честь своему усопшому брату. Ревнѣ греко-кафт. не знали ди смѣятыси ци жаловитися над сим чудесным опроводом.

Батюшка свиню хотѣв дати покрестити. У Тересвѣ (Марм.) тօрг (ярмарок) быв. Атьоц Рацін (родом из В. Шарду, бѣгом из Америки) пригнав свиню и соловав на продаж Пилипчинец Васильови, нересницкому гр. кафт. вѣрникови с такими словами: „100 Кч-ами май дешево ти дам свиню, обысь поюю до Хиры най перекрестить!“ — Атьоц Рацін! „Та в вашом „В. Шардовском трѣнику“ е и обряд на крещеніе свиней? Не ганьбитеся такѣ фигтѣ робити из св. тайны Христової? Се учить и дозволяє ваша вѣра? Зазначѣть собѣ, что у нас свиней анѣ не крестять анѣ на священника не посвящаютъ.“



Искушатель.

Послѣднѣ луки змеркаючого сонця дрожали над пустынею Юдейскою. Позолотили верхи диких смоковиць и топазовою фарбою покрывали кристаловѣ филѣ Іордана.

Под дикими смоковицями и на берегах рѣки зглоченый народ с тупим гомоном разходив ся. Легкій порох пѣсковий разстелив ся над ними и шепот товпъ далеко разносив ся в пустынѣ, як коли воды гучать.

Только их было, як коли пѣсок моря. Каючѣ ся и дивляючѣ ся, вѣрючѣ и любопытнѣ, котрѣ пришли видѣти и чути великого пророка. Пришли обывателѣ Декаполиса, рыбарѣ и корабельники из за Іордана; купцѣ из Бетаніи, мытарѣ и зберателѣ податков, вояки из Іерусалима, музыканты в красивых строях, спѣваки и бандуристы.

Проповѣдь пустинника задрожала сердце их, як коли крик льва и гудѣла над ними як удар бича. Женоы с корчастым плачом падали на землю. Торговцѣ розязали ремѧня сапог своих и

ступили в воду, чтобы их покрестив. Музыканты вергли свою гусль и гарфы и разрезалъ струны гуслей; священники и левиты же, которых высокій советъ выслав для его переслуханя и выслѣдженія с трѣвогою споглядали его.

Теперь разходили ся до дому, одинъ с утѣхою, другъ с сумнѣвом, одинъ надѣючъ ся другъ недовѣряще. Лиш гуртка фарисеев и садукеев тяглъ ся тихо, мовчливо, меже ними, як совы лѣтаютъ в ночи.....

На березѣ блистяющѣ воды сам оден стояв пустѣнник. Волося и борода его летѣли в вѣтрѣ як черна вовняна; в блѣдом и худом лицѣ блищали очи, як дорогоцѣнныи камѣнь. Грубый серстяный одѣв ременным поясом быв притисненый до тѣла его.

Коло него на одном камени дикій мед и два-три саранчи были положенї.

Из корцов прибережных слабый шелесть было чути. Одна женщина выступила из межи конаров. Еще раз промовила до слуг; голос еї звенѣв твердо, як удар клепача. Потом помало приблизила ся до пустинника и на дасколько кроков стала перед ним.

— Что хочеш? звѣдае чоловѣк и поглянув на женщину в темнѣ плахты обвиту.

Жона отповѣла:

— Тебе глядаю, кого народ за Мессію держить, а из священников многѣ пророком Ілією; но я знаю, что ты Іоан, сын первосвященика Захаріи.

— Не познаеш ты мене — казав чоловѣк — бо иншак мала бы знати, что я лиш оден голос, что выкликуе людей из темноты на свѣтло, оден палець перестерегаючий, что указує путь до истины. Предтечею ем того, кто приходить до вас в имени любви, доброты и милосердія.

Жона за якійсь час мовчала, потом одозвала ся:

— Звотки знаеш, что он е Мессія? Пустинник разпростер руки свои и великим голосом закликав:

Бо так е писано и пророковано. И я виджу, что он уже оставил Назарет и Галилею и на пути е до нас. Чую я его в моем серцѣ и горе тому, кто не с сердечным покаяніем, смиренiem и любовію приближає ся к нѣму.

Жона покивала головою.

— Приходить из меже бѣдных и нищих, та что доброго може нам принести?

— О, в тѣмнѣ блукаюча, безумна жоно! Он из высоты приходить, и николи не миняючи душевнѣ добра приношуе нам.....

Жона лагодно и тепло отповѣла:

— О и туземнѣ добра не пустѣ! Я богата, можу тобѣ только талляров дати сколько лиш хочеш.

Пустинник с дивованьем поглянув на ю.

— На что тово менѣ? Богатый тот, кому сердце наповнен-

Рок 1924.

„БЛАГОВѢСНИК“

Сторона 43.

ное любовю и добротою. Правду кажу тобъ, что сердце бoga-
того чоловѣка твердѣйшое, як скала. Роздавай твои талляры
меже нищими и бѣдными и богатша будеш як теперь.

— То одно уже не зроблю. В прочем и так больше же-
браков, як талляров. От моего слова зависить доля народов.
и на мое одно слово в порох зваляться наймогутнѣйшъ.
Бавлюся с головами покоронованных, як дѣти с безцѣнными
камъньями. Могутнѣйша ем од каждого — но если хочеш
понижаяся перед тобою.

Голос пустинника твердо як метал звенѣв:

— Порох есть и рабыня твоих пристрастей. Вывержи из
свого сердца гордость и властолюбіе и поклонися перед тым,
кто має прийти и кто подойме понижуючих себе и понижает
тых, котрѣ себе возвышаютъ.

Вона тогды приступила и облистиво казала:

— Так говориш, бо еще не познаеш мене. Позерай!

И тогды изняла темну плахту из плечей и головы. Высока
женщина стояла перед пустинником. До земли покрыла єв-
шкарлатова одежа припоясана золотым поясом. На плечах бѣ-
лоснѣжна египетска полотнянка бѣлѣла, на шеѣ бѣленъкъ перлы
блищали, як померзнутѣ слезы. В чорном волосю о нефарбовый
кардїскій камень блескътъв, а на устах побѣдоносный усмѣх
играв. В одной руцѣ червенѣ квѣтки держала; другу же подала
пустинникови и с слодким голосом сказала:

— Отречися его, кого чекаеш и прїди за мною.

Пустиножитель як блеск выскочив и закрычав громким
голосом, як бойова труба:

— Проклята ты жено, бо уха маеш, а не хочеш слухати,
очи маеш и зажмурила, чтобысь не видѣла. Справдѣ ти кажу,
что пуща ты от невольника и бѣднѣйша от остатнього жебрака.
Зберайся! Гет од мене!

Жона закручовала на себе чорну плахту и выпостилася,
як гадина и стиснувши свой пястук закричала:

— Та лиш иди за твоим царьом, кого пак с терняным
вѣнцем покоронують, мѣсто скептра трость буде мати в руках.
А чтось менѣ казав заплачу ти горько. Памятай, знаеш кто я?
Я Иродіяда, жона царя Ирода.

Обернулася и пошла. За корчами при гебанових ношах
рабы сидѣли. Незадовго чути было, что под отходящими сто-
пами скрипить пѣсок.

Пустиник зостав сам. Поглянув в высоту, зводки западали
темнѣ тѣны. Помало темна нача покрывала глуху пустыню. На
небѣ помало плавав срѣбряный мѣсяцъ

Пустинник луг собѣ в пѣсок и поклонивши голову на ка-
мень поглянув напротив Галилеи.

В срѣбряном свѣтлѣ мѣсяця, в бѣлой одеждѣ стояв оден
чоловѣк, кому волося чорное было, як плодовита земля-мати,
очи глубокѣ, як море и блискучѣ, як сонце. На чолѣ терняный

вѣнець носив а в руках тростицу держав; но из тернят свѣтло блищало и из тростины походили бѣлѣ лиліи.

Іоан Креститель скочив и трясучъся руки разпростер.

— О Господи! закрычав голосно.

На се одна чорна хмара заслонила мѣсяць, а лагодное бѣлое явище зникло.

Написала: Augusta Rubenescu. Переклав: (б).

ВСЯЧИНА

— Добра книжка. О сколько лишень можете, розширяйте добру книжку межи своих знакомых и свояков. Добра книжка часто найде дорогу и туда, где священик не має приступу. Пріймають еѣ и злѣ люди, яко дарунок, або на памятку. Она не знає, что то встыд. Коли еѣ люде занедбають, онаproto не гнѣвається; коли нею погордять, она не журиться; она все радо научить людей познавати правду. Така добра книжка лежить часто довгий час в кутѣ запорошена. Коли прійде якоесь терпѣння, смуток, жаль, — тогда сей добрый пріятель оставитъ свой закуток, стрясе порох, отворить картки, — и тогда повторяють и тѣ дивиць наверненя, яке было святого Августина, св. Колумбина, св. Игнатія и т. д.

Колько душ спасли добрѣ книжки,олько их захоронили от заблуканя,олько душам додали силы до доброго! А если и не перечитає книжки той, кому была подарована, перечитає его сын, доњка, пріятель, сусѣд. Часто така книжка обойде цѣлое мѣсто або село. А сколько добра при том здѣлае, то знає сам Бог!

Читатель! Вороги нашоѣ св. вѣры розширюють не добры книжки и новинки. Кождый от вас най розшириє Благовѣстник и другѣ добрѣ книжки и новинки! Не жалуйте за то анѣ труду анѣ грошей. Бог то заплатить кождому сторицю.

— „Ты сама тому винна“. В нѣмецком мѣстѣ Майнц сповѣдалася у епископа Кетелера одна жона и дуже жаловала ся на своего мужа, что он великий піяк и все ю бїє. Епископ сказав: „Тому Вы сами виноватѣ“. „Як то? Я виновата“? — „Вы новиннѣ, чтоденно молитися Богу за него, а Вы того не робили“. Жона послухала раду епископа, а по якомсь часѣ повѣдомила его, что еѣ муж зовсѣм поправився. Попробуйте и вы всѣ жоны и матери той лѣк, котрѣ его потребуете!

— Чого маєме найбóльше боятися! Безбожна византійска цариця Евдоксія страшно оклеветала св. Іоана Золотоустого, перед своим мужем, царем Аркадіем. Царь дуже розгнѣвався на св. Іоанна и зачав продумовати, як згладити его из свѣта.

Одного разу сказав до своих дворян: „Я мушу на том епископѣ помститися“.

А злѣ слуги еще ему дораджовали.. Оден сказав: „Пошли его на выгнаніе, чтобы твои счи вже николи его не видѣли!“ Другій совѣтовав, чтобы царь забрав святому весь маєток. Третій быв за тым, чтобы кинути святого до вязницѣ. А четвертий сказав: „Царю, ци Ты в своей державѣ паном житя и смерти? Убий его!“ Пятый быв горшій од своих товаришов. Подумав колька минут и каже цареви: „Через то все не осягнеш, чого бажаеш, свѣтлый царю! Тым не зробиш жадноѣ прикости епископови. Что ему зашкодить, як Ты пошлещ его на выгнаніе? Он каже, что цѣла земля ему отчиною. Забереш ему его добра, то буде се кривдою не его, але убогих, бо он им все роздає. Кинеш его в темницю? Он цѣловати буде оковы и славити Бога за тѣ всѣ муки. А коли и на смерть его осудиш, то чтожь? Тым отвориш ему небо. Коли хочеш на ним помститися, ты спробуй навести его на грѣх. Сей чоловѣк не боиться нѣчого: „ни выгнаня, ни бѣды, ни вязницѣ, ни муки, ни самоѣ смерти, — боиться лиш одного грѣха.“

НОВОСІЙ

— „Православный“ князь Володимир Ghika став греко-каѳолическим священником. В недѣлю 7. новембра 1923. одбылося в Парижѣ великое торжество. Архієпископ Парижа, кардинал Dubois в каплицѣ св. Лазара удѣлив тайну священства князеви Володимирови Ghika. Князь сей походить з румуньскої королевскої родини. На торжествѣ быв присутній и отець нововисвяченого, бывшій румунський посол в Парижѣ. Брали участь в том торжествѣ також два епископы, около 60 священиков, много дипломатов и высока аристократія. Характеристичным е се, что родина Ghika есть греко-восточноѣ вѣры, а молодой князь перед роком приняв каѳолическу вѣру и посвятився богословским наукам у о.о. Асумціонистов в Парижѣ, котрѣ мають в Румунії большие своих монастыров.

Церковь католическа достає каждого року много стотисячи новых вѣрников, котрѣ навертаються по довгом учению и читаню святого Письма, св. Отцов и церковної исторії. Кожного року в самой Англії переходить на каѳолическу вѣру из англиканскої около 40—50 тысяч людей и то людей ученых, котрѣ про свою вѣру тратять свои посады и доходки.

Памятай на то: от церкви каѳолическої через 1900 лѣт не одпав анѣ оден Однисенькій чоловѣк, который бы быв пере-

свѣдчився, же наука Церкви каѳолическоѣ крива, а же е права наука Христова дѣжь инде. Было у всѣх столѣтіях таких людей, котръ *про свои грѣхи*, про *богатство*, про строгость науки каѳолическоѣ не хотѣли церковь слухати и отпали от вѣры и от Церкви. Але то были люди лиш як полова, о которых говорить Св. Писаніе, же та полова буде до огня вѣчного кинена, де згорить.

Тримайся твердо своей греко-каѳолической вѣры и будеш щасливый у вѣчности!

† Упокоилися. Священик Августин Лавришин парох Макарійовскій 18-го января в 63-ом роцѣ своего живота умер. Блаженый ему покой! — Трагично помер 1-го фебруара о. Нестор Дудинскій, дух. латоричанскій. Причиною смерти его было: на стації в Свалявѣ упав на желѣзницѣ под колеса машины, котра его ноги отрубала. Умер в больницѣ мukачевской. Небощик быв один из лучших публицистов и богато писав о рожных справах руського народа. Головна праця его была: *На земли рабов*. В сей працѣ занимается с бѣднотами руського народа. Помершого мусиме уважати, як одного из щирых любителей бѣдного народа.

— До Риму! Преосв. епископ Антоній в супроводѣ каноника Шубы поїхав до Риму в важных церковных справах.

— О. Августин Волошин ред.-издатель нашего часопису в днях достав от римскаго апостольскаго престола за заслуги около обороны вѣры высокое отличіе: папскаго комерарія. Наша газета, котра також в оборонѣ вѣры гр.-каѳ. не малъ заслуги має с щирым сердцем радує ся отличію сего заслуженнаго працівника на полѣ христіянскоѣ обороны. О. Авг. Воло-

шин есть душа скроз христіянска, кто своѣ христіянскѣ идеї знає и смѣє перевести в практичный живот; знає добре, что только сильна христіянска политична партія и моцна христіянска пресса могутъ обороняти вѣру нашу против так численных ворогов. Слава и честь сему прилежному роботнику в виноградѣ Божом! На многая лѣта!

— Ленин умер. Из Москвы пришла офиціална вѣсть, что Болодимир Илич Улянов Ленин, голова коммунистичної управы Россіи и Украины 21. января умер. С ним перестав жити оден ворог и гонитель христіянскої вѣры, оден тиран и мучитель стада Христового. Надѣемся, что его смертю лѣпшѣ часы наступлють для Христової Церкви.

— Дух комунистов. Жона Ленинова была еще и по революціи за якийсь час учителькою. Она написала и выдала одну азбуку, из котрой дѣти научились читати так: „*Не-вѣ-ри-ме в бо-га! Не е-сме от-ро-ки*“. Та ци не краснѣ то люди коммунисты, котръ и меже нашим народом закладают партію „худобныхъ“!? Як они выигрывают и наши дѣти так будуться учити в школах: *Не вѣ-ри-ме в бо-га!*

Рок 1924.

„БЛАГОВѢСТНИК“

Сторона 47.

— **Благовѣстник и схизматики.** У Вульховцях (ж. Мармарошка) пойшла одна схизмат. жона до другого схизматика и каже: „Я беру Благовѣстник от А-хи, та так вижу что там май правда, як у нас!“ (т. е. у схизм). Схизматик одповѣв: „Но та теперь что маєме чинити...?!“ (Пошепчеме ти: Упознай, чтось загрѣшивъ та покайся, доки тя суботарѣте потягнуть. К.)

— **Большевики высмѣвають вѣру.** В Киевѣ един жид-большевик перебрався за Ис. Христа и ходив по улицях, высмѣваючи христіянство. Потом под одною церковю на смѣх благословляв народ. На другой день одна из турень церкви одновилася и сіяла золотом до сонця. На то стали приходити люде молитися у totu церков. Большевики уси-

ловалися доказовати, что турня однсвилася „природно“, однако народ и дальще товпами приходить ид той церкви. Словом из высмѣваня вѣры — выйшов rezультат противный, який большевики не намѣряли. А что найинтересантнѣйше, тот жидок большевик, что вдавав Христа — выкрестився. (Нива.)

— **Замерз един священник з церковником.** В Баварії па днях, коли найбольша була студень, ко хворому прикликали священника села Tiefenbach'a. Священник з церковником сейчас пустився в дорогу, обы высловѣдав и причащав хворого. Была велика метелица и в снѣгу так утомився священник, что мусѣв stati и одпочити. Но од студени замерз на дорозѣ виедно з церковником. Были они жертвами своего званя.

Короткѣ вѣсти. Англія готова признати законною нынѣшну большевицку управу совѣтскою Россіи и Украины. — Коммунисты намѣряютъ имя Петрограда перемѣнити на Ленинград. — Патріарх Тихон усунив из престола епископскаго Платона дотеперѣшнаго епископа шизм. русинов в Америцѣ и послав туда одного большевика. — Министерпрезидент Югославіи д-р Пашич и мин. Нинич 28-го января в Римѣ нащивили Римскаго Отца и его секретаря д-р Гашпаріого.

— **На фонд Благовѣстника даровали:** о. Виктор Петричко и о. Влад. Манайлов 30—30 Кч.

Просиме всѣх других нашоѣ газеты, чтобы при замовленнях неотмѣнно отзывалися на „Благовѣстник“.

СОДЕРЖАНИЕ:

1. ПОД ПРАПОР БЛАГОВѢСТНИКА!
2. ВЪРА: § 3. Св. Превданіе.
3. ИЗ ШИЗМАТИЦКОГО РАЮ.
4. БЕСѢДА: Искушатель.
5. ВСЯЧИНА.
6. НОВОСТИ.
7. На фонд Благовѣстника.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР
ЕМИЛІЯН БОКШАЙ.

ИЗКУСТВЕННО ВЫРОБЛЕНЪ
ПАМЯТКИ СВ. ПРИЧАЩАНІЯ
из надписом въсѣх языках.

Найбóльшии и найбогатšíй магазин вънутровземску (50 сорт).

Просѣть илustrованой цвнник.

БОГАТЫЙ СКЛАД КНИГ

различного формату а одбору

(особливо про духовенство напр. служебны книги, бревіары и пр.)

МАГАЗИН А ОБХОД КНИГ — КНИГОПЕЧАТНЯ

LUDEVIT RICHTER

v Albrechticích při Krnové — Slezsko

Československá Republika.

ГАРМОНИИ



к упражненію в спѣву.

ПІЯНА и ПІЯНИНА.

Первокласнѣ выробы. Цочъ єнъ 1и-
значенія Доставлено 7300 гармоній и
піян и 287 органов. Вы однѣ услоїя
для плачения також и на раты. Илу-
строваны цвнники бесплатно. Най-
бóльша ческа фабрика сего факу.

Заснована року 1869.

JAN TUČEK, KUTNA HORA, ČECHY.



ГАРМОНИИ

обоих родов

доставляе

RUDOLF PAJKR a Spol.

основано р. 1894

Hradec Králové (Čechy).

В КНИГОПЕЧАТНЪ „УНО“

мож получити слѣдуючъ книги:

	Кч
1. Азбука Волошина	7.—
2. Читанка „ П. кл.	6·50
3. Аритметика Волошина I—II. кл. 2 кор., III. кл. 2 кор. IV. кл.	2·60
4. Методическая грамматика Волошина	5.—
5. Географія М. Григашія по рускии и по мадярски	5.—
6. Малый катихизм	1·20
7. Средный „	3.—
8. Великій „	5.—
9. Мала біблія	3.—
10. Середна біблія	10.—
11. Наша правда вървъ от д-ра Ю. Гаджеги...	2.—
12. Прочто праздновати недѣлю а не субботу от д-ра Ю. Гаджеги	3.—
13. Библейские вопросы с точки зрењія восточных церквей	3.—
14. Вѣнец, стихотв. Павловича ...	18·60
15. Великій Зборник	... 40.—
16. Середный „	... 24.—
17. Малый „	... 15.—
18. Ангел Господен	... 6.—
19. Марія Повчанскій Паломник...	16.—
20. Пѣсемник, от директора промысловыхъ школ Ф. И. Шпалы	12.—
21. Рисованіе для дѣтей с русским текстом ...	6.—
22. Рисованіе для дѣтей съ чешским текстом ...	4.—
23. Рисованіе геометричное	15.—
24. Ручна праця в школѣ с чешским или мадярским текстом	16·50,

В том состояніи єсмо, что всѣм заказующим через
48 годин можемъ почтовно провадити.

Мальованя

церквей

театральных декорацій,
святых образов и прч.
крестнъ дороги, золо-
ченя олтаров и фигур

замовляйте лем
у христінской
 фирмъ

,Colora“

komand. spol., amelec. zavod maliarsky
Centrala v. Žiline (Slov.). Tel. 183.

Рисунки, планы, разрахунки даром.

Дуже тунъ цѣны.

Дешевое чешское пѣрь

1 kg. доброго сѣдого	18.— К.
1 kg. новбѣн. го:	22.— К.
1 kg. бѣлого	32.— К.
1 kg. найлѣпшаго пуху 40, 50, 65	К.
1 kg. найлѣпша сорта	80.— К.
Готовѣ перины 160, 200, 235, 280	К.
Подушки . . . 48, 65, 80, 95 и 110.— К.	


Высыпаю оплачено за послѣплатом.

Взорки даром.

Benedikt Sachsel

Lobzy 212 u Plzně. :: Čechy.

ZVONARSTVÍ



ОКТАУ WINTER Broumov ČSR.

Книгопечатня Акційного Товариства „Уніо“ в Ужгородѣ.